

## **Incumbensa Rutishauser concernent il pajament d'ina premia da corona al personal da sanadad dal Grischun**

Las lecturas ed ils lecturs da la Südostschweiz han elegì il personal da sanadad sco Grischunas e Grischuns da l'onn 2020.

Quai pervia da ses engaschament extraordinari durant la pandemia da corona che n'è anc adina betg a fin. Dapi in onn è il personal da sanadad ussa gia exponì ad in squitsch permanent. E quai malgrà il champ d'actividad. Betg mo en las staziuns intensivivas, mabain er en las staziuns da letgs en ils ospitals, en las chasas da tgira, tar la Spitex, en las clinicas psichiatricas ed en las instituziuns per persunas cun impediments.

Cunzunt a l'engaschament dal personal da sanadad avain nus d'engraziar ch'il sector da sanadad n'è betg collabà fin ussa, cun tut las consequenzas dramaticas per nossa populaziun.

Er en l'avegnir duvrain nus avunda personal da sanadad motivà ed engaschà.

Igl è uras da l'admetter in segn da stima.

Intginas instituziuns han concedì ina renconuschientscha finanziala u dis libers supplementars a lur collavuraturas e collavuratur.

Displaschaivlamain ha mo ina pitschna part dal personal da sanadad en il chantun pudì profitar fin ussa d'ina tala stima. Quai, cumbain che tut las persunas che lavuran en il sector da sanadad èn stadas dumandadas – pervia da la pandemia – bler pli fitg che quai ch'i vegn uschiglio spetgà dad ellas.

Ad ina intervenziun en il Cussegl naziunal, che pretendeva ina renconuschientscha finanziala per il personal da sanadad, ha il Cussegl federal respundì che quai na saja betg ina incumbensa sin plaun federal. I saja chaussa da las instituziuns dal provediment da la sanadad, dals chantuns e dals partenaris socials da chattar soluziuns cuminaivlas per onurar l'engaschament dal personal da sanadad en questa crisa.

Il chantun Vad ha ademplì quest giavisch en il fratemp ed ha consegnà mintgamai 900 francs a las collavuraturas ed als collavuratur d'instituziuns privatas sco er publicas.

Ina tal act n'eliminescha betg la mancanza da persunas spezializadas; er il pajament d'ina premia da corona n'ans dispensescha betg d'ulteriuras mesiras necessarias. Però sto la premia vegnir chapida sco engraziament per dumagnar ina sfida extraordinaria.

Perquai incumbenseschan las sutsegnadras ed ils sutsegnaders la Regenza da pajar ina premia a las collavuraturas ed als collavuratur dal sector da sanadad dal Grischun, resguardond la renconuschientscha gia concedida tras las instituziuns.

Tavau, ils 21 d'avrigl 2021

**Rutishauser**, Widmer-Spreiter (Cuira), Pajic, Atanes, Baselgia-Brunner, Caviezel (Cuira), Clalüna, Degiacomi, Della Vedova, Gartmann-Albin, Horrer, Müller (Favugn), Paterlini, Perl, Preisig, Rettich, Wilhelm, Stieger, Tomaschett (Cuira), van Kleef